



LES

COMMANDEMENTS

aux Catoliques & bons François.DIEU premier salut
rendrasComme à ton pere tres-
clement.Tes pechez luy confesseras
Avec vn cœur bien repentant.Pardon luy en demanderas
Ny retourner luy promettant.Et Paradis espereras
A la fin de son iugement.Au Roy tousiours obeiras
Cela t'est de commandement.

A

Pour sa prosperité Dieu priaras
Affin qu'il regne longuement.

La Royne mere honnoreras
Comme femme d'entendement.

Et le Createur supliras
Qu'elle dure eternellement.

Pour les Princes Dieu tu priaras
A ce qu'ils viuent vnanimement.

Et que discorde mise abas
Iamais ne s'aile releuant.

La mort d'HENRY tu pleureras
Car il estoit le plus vaillant.

Courageux parmy les combats
Comme vn Alexandre le Grand.

Son homicide abhoreras
Qui fut fait si cruellement.

Et l'auteur tu detesteras
Comme vn malheureux garni.

Les Iesuites n'acuseras
D'un parricide si meſchant.

En reuerence les auras
Comme vnaus ſort ſainement.

Toute leur doctrine croiras
Eſtant conforme entierement.

A la Romaine que tu tiendras
Sans la laiſſer aucunement.

Les heretiques ne croiras
Ny leur faux bruits pareillement.

Et leurs eſcrits tu bruleras
Sans les regarder nullement.

Toutes leurs œuures hairas
Comme faites impiement.

Faisant cela ne laisseras
De seruir Dieu parfaictement.

Delaratoire tu croiras
Qui contient vray semblablemēt.

Pere Coton tu cheriras
Qui a escrit si doctement.

Pere Gontier, escouteras
Preschant d'un zelle si ardant.

Et ses confreres beniras
Pour leur diuin entendement.

L'Anticoton tu ne liras
Parce qu'il ment impudemment.

Et son auteur tu maudiras
Pour parler trop iniquement.

Au feu d'Enfer l'enuoieras
Pour y estre eternellement.

L'Aristogiton tu liras
Qui parle fort naïfvement.

Et Courbouzon remerciras
Qui respond veritablement.

Aux medifances des ingrats
Qui n'ot pour Dieu le tout pùisât

Rendât homaige au Roy d'embas.
Qui va leur ame deuorant.

Les beurrieres mespriseras
Comme parlant fort fallement.

Et du Moulin enuoyeras
Son Sycophante malueillant.

Le Touxain point ne liras
Car il ment trop a son escient.

Seditionnaire le publiras
Et tel l'iras condannant.

Et son auteur reprouueras
Comme ministre de Satan.

Les cocqs à l'asnes foulleras
Des pieds de ton entendement

Et au feu tous les mettras
Affin qu'ils faillent dissipant.

Ceste responce tu verras
Qui va ses peres deffendant.

Et leur innocence enuoieras
Iusques au terres du Leuant.

Des creffonnieres ne croiras
Par ce qu'il ment extremement

Et son hauteur calomniras
Ainsi que celuy qu'il pretend

Le Paster noster tu diras
Tous les matins en te leuant.

Et le Credo ne laisseras
Par ce qu'apres il va suiuant.

Catholique tousiours feras
En seruant Dieu deuotement.

Mais huguenot ne te feras
Si tu veux viure sagement.

Tous leurs faux liures ne liras
Qui vont le peuple seduifant.

Les peres plus ne troubleras
Qui ne te vont rien demandant.

Ains en repos les laisseras
Rendre grace au Dieu puissant.

Ces commandemens tu croiras
Pour bien viure parfaictement.

FIN.

[The text on this page is extremely faint and illegible, appearing to be a list or index of names and titles.]